



Informasjon og rettleiing Strukturundersøking for byggje- og anleggsverksemd 2014

Kven får skjema?

Statistisk sentralbyrå sender dette skjemaet til eit utval av føretak for å hente inn opplysningar om verksemda i 2014. Opplysningane vert henta inn for å utarbeide offisiell statistikk for næringar. Dette er naudsynt for Nasjonalrekneskapen og er eit krav ifølgje EØS-avtalen. Statistikken danner grunnlag for planlegging og styring, både politisk og for næringslivet.

Kvifor må di verksemd vere med?

Mange oppgåvegivarar undrar seg over at deira opplysningar er viktige for statistikken sidan verksemda er lita, men i mange bransjar er det slik at vi får eit feilaktig biletet dersom dei små einingane ikkje er med. Føretak som er mellombels ute av drift, ikkje har starta opp verksemda i 2014 eller er lagde ned, må òg svare. Fyll ut opplysningar om kontaktperson, kryss av i rett boks på framsida på skjema, fyll ut dei postane som er relevante og send inn skjemaet.

Du har plikt til å svare

Oppgåvene vert samla inn av Statistisk sentralbyrå med heimel i § 2-2 (1) i lov om offisiell statistikk og Statistisk sentralbyrå av 16. juni 1989 nr. 54, samt Finansdepartementet sitt delegasjonsbrev av 13. februar 1990. Dersom du meiner du ikkje har plikt eller lov til å gi oppgåver, kan du klage over pålegget innan tre veker. Klageretten gjeld ikkje spørsmålet om oppgåveplikta er rimeleg eller naudsynt.

Kva skjer dersom du ikkje svarar?

Dei som ikkje svarar i tide på ei undersøking med svarplikt, må rekne med å betale tvangsmulkt etter lov om offisiell statistikk og Statistisk sentralbyrå § 2-3. Svarplikta fell ikkje bort sjølv om tvangsmulkta blir betalt.

Personvernet

Oppgåvene er undergitt teieplikt etter § 2-4 i statistikklova. Statistisk sentralbyrå vil bruke opplysningane til å utarbeide offisiell statistikk, og til statistisk bruk for forsking og offentleg planlegging.

Næring

Den førehandsutfylte næringeskoden er henta frå Standard for næringssgruppering 2007 (SN2007). På www.ssb.no/nace finn du heile standarden. Dersom næringeskoden er feil, vil vi at du rettar opp dette i skjemaet. Gi opp kva slags varer som blir produserte eller tenester som blir utførte. Gi opp om verksemda er retta mot bedriftskundar eller private personar.

Rettleiing til enkelte postar i spørjeskjemaet

Her finn du utfyllande informasjon om enkelte av postane i spørjeskjemaet.

2. Prosentfordeling av total omsetning på ulike næringar

2.1 Omsetning frå byggjeverksemd

Her inngår prosentdelen av total omsetning frå oppføring, ombygging, grunnarbeid, reparasjon, vedlikehald og riving av bygningar. Her fører ein også elektrisk installasjonsarbeid, isolasjonsarbeid, VVS-arbeid og annan installasjon i bygningar. Ta også med stukkaturarbeid og pussing, snikkararbeid, golvlegging og tapetsering, målararbeid, glasarbeid og annan ferdiggjering av bygningar, samt utleige av maskiner med personell i byggjeverksemd.

2.2 Omsetning frå anleggsverksemd

Her inngår prosentdelen av total omsetning frå anleggsverksemda, dvs. bygging av veg, bru, tunnel, kai-, vatn- og kloakkanlegg, kommunikasjons- og kraftlinjer m.m.. Her fører ein både nye prosjekt, reparasjon, drift og vedlikehald. Omsetning frå utleige av maskiner med personell i anleggsverksemd skal og være med.

2.3 Omsetning frå annan industriell verksemd

Her tek ein med prosentdelen av total omsetning av eigenproduserte varer og tenester innanfor:

- Bergverksdrift og utvinning
- Industriproduksjon
- Kraft- og vassforsyning

Med industriproduksjon meiner ein fysisk eller kjemisk tilarbeiding av materialar eller delar til nye produkt, anten arbeidet er utført maskinelt eller manuelt.

2.4 Omsetning frå tenesteyting (mellom anna leigeinntekt frå fast eigedom)

Her fører ein prosentdelen av total omsetning frå all verksemd som ikkje er byggje- og anleggsverksemd, industri, varehandel, agentur eller primærnæringsverksemd.

2.5 Omsetning frå varehandel og agentur

Her tek ein med den prosentdelen av total omsetning som gjeld all eiga detalj- og engroshandelsomsetning i året, samt godtgjering for formidling av sal for andre føretak ved å ta opp ordrar eller slutte sal i namna til desse føretaka (agenturhandel). Posten omfattar omsetning frå sal i eige namn og for eiga rekning, frå fast utsalsstad, torgplass o.a. Spesielle offentlege avgifter som går inn i salsprisen, skal og vere med i grunnlaget for utrekninga.

Provisjonar for formidling av tipping, lotto og andre spel skal ein ikkje ta med her, heller ikkje inntekter frå reparasjonar og vedlikehald av motorkjøretøy, hushaldsvarer og personlege varer. Desse skal ein føre opp post 2.4.

2.6 Omsetning frå primærnæringsverksemد

Her fører ein prosentdelen av total omsetning som kjem frå sal av varer og tenester innanfor jord- og skogbruk, jakt, viltstell, fiske, fangst og fiskeoppdrett. Det er ein føresetnad at den næringsdrivande sjølv utfører primærnæringsaktiviteten.

3. Handelsvarer

Handelsvarer er varer som blir kjøpte inn av føretaket i eige namn og for eiga rekning og som blir selde vidare utan å bli tilarbeidd, eller etter den merkinga, emballeringa og innpakkinga som blir praktisert i handelsføretak. Døme: Eit føretak driv hovudsakleg med målarverksemđ, og sel fargevarer i tillegg. Fargevarene som blir selde vidare utan tilarbeiding reknast som handelsvarer, medan fargevarer som blir nytta i måleriverksemđa ikkje blir rekna som handelsvarer.

4. Utgifter til lønning av vikarar

Betaling for vikarar kan ikkje angjenvast særskilt i rekneskapen til føretaket. Det inngår i *andre eksterne kostnader* og *andre driftskostnader*. Med **vikarar** meinast dei som arbeider for føretaket, men som er tilsett i vikarbyrå.

5. Verdien av byggje- og anleggsverksemđ i året

5.1 Fakturert direkte til byggherre

Før opp verdien av de totale driftsinntektene frå byggje- og anleggsverksemđa som er fakturert direkte til byggherre. Dette utgjer ein del av eller heile verdien bak postane 2.1 og 2.2.

5.2 Eigne aktiverte investeringsarbeid i bygg og anlegg

Før opp verdien av føretaket sitt eige investeringsarbeid som gjeld bygg og anlegg. Dette omfattar både nyinnkjøp og påkostingsarbeid i samband med bygg og anlegg som er utført med eigne tilsette. Aktiverast som anleggsmidlar i balansen, postane 1000-1290 i Næringsoppgåva.

5.3 Driftsinntekter frå underentreprise

Her inngår den delen av totale driftsinntekter (del av postane 3000, 3100, 3200, 3500, 3900 i Næringsoppgåva) som gjeld dei oppdrag føretaket har utført som underentreprenør. Posten skal førast eksklusiv meirverdiavgift og i 1 000 kroner.

6. Fordeling av byggje- og anleggsverksemđ på prosjekttypar

Postane 6.1 - 6.3

Verdien av byggje- og anleggsverksemđa i året skal fordela på prosjekt, slik at summen av alle prosentsatsane i alle kolonnane samla blir 100 prosent.

Nybygg omfattar alt byggearbeid knytt til oppføring av nye bygningar.

Rehabilitering omfattar utbetring og ombygging av eksisterande bygningar så framt dette skal aktiverast. Omfattar prosjektet også tilbygg og/eller påbygg, førast det på nybygg dersom tilbygget/påbygget utgjer meir enn 50 prosent av salsverdien.

Vedlikehald/reparasjon omfattar jamleg vedlikehald og reparasjonsarbeid.

Nyanlegg er alt anleggsarbeid som omfattar oppføring av nye anlegg.

Drift, vedlikehald og reparasjon er alt påkostingsarbeid på eksisterande anlegg så framt dette skal aktiverast, samt vedlikehald og reparasjonsarbeid på anlegg.

Prosjekttypar

Under de enkelte prosjekttypar skal ein ta med alt arbeid som har direkte tilknyting til prosjektet, frå planleggings- og prosjekterings-, sprengings- og gravingsarbeid til finpussing, planering og oppryddingsarbeid. Ved utbygging av større bustadfelt, store industrianlegg o.l. må felles anlegg for vegar, kloakk, kablar o.a. førast under anlegg, mens den delen av grunnarbeidet som har direkte tilknyting til det enkelte bygg, skal førast på dei ulike byggjekategoriene. Om naudsynt kan ein i slike tilfelle gjere fordelinga på bygg og anlegg etter beste skjønn.

I post 6.1 Bustadbygningar og fritidshus skal ein i tillegg til reine bustader også ta med kombinerte bygningar der minst 50 prosent av arealet er bestemt til bustadformål.

7. Særskilte opplysningar

Kostnader for underentreprenørar

Her inngår den delen av total driftskostnad (del av post 4500 og ev. 4005 mfl. i Næringsoppgåva) som omfattar alle kostnader som ein har pådregen seg i løpet av året ved at arbeidet er satt bort til underentreprenør(ar)/underleverandør(ar). Kostnader vedrørende arbeid ein har satt bort for eigen drift skal ein ikkje inkludere her. Ekskludert er også internleveransar innan føretaket. Posten førast eksklusive inngåande meirverdiavgift og i 1 000 kroner.

8. Anskaffingar av datautstyr og programvare i 2014

Her ber vi om både kostnadsførte og balanseførte utgifter til kjøp av datautstyr og programvare ekskl. meirverdiavgift. Driftsmidlar som er anskaffa ved finansiell leasing, immaterielle eidegar, samt lisenskostnader til programvare inkluderast. Utgifter til innkjøp av IKT-tjenester og driftsmidlar som er kjøpt inn ved operasjonell leasing skal ikkje inkluderast.

9. Berre føretak med fleire bedrifter/avdelingar fyller ut punkt 9.

Data frå strukturundersøkinga fordelast på ulike næringer i samhøve med Standard for næringsgruppering. Det publiserast også tal heilt ned på kommunenivå. Det er difor i ein del tilfelle naudsynt for Statistisk sentralbyrå å laga ein oppdeling av verksemda i fleire einingar enn det er behov for til rekneskapsføremål.

Retningslinjene for oppdeling av eit føretak sine verksemder i bedrifter/avdelingar er i grove trekk følgjande:

- Verksemd som drivast på lokalt åtskilde områder, t.d. i ulike kommunar, må delast opp etter lokalisering.
- Verksemd som reknast til ulike næringer i følge Standard for næringsgruppering, delast opp i fleire bedrifter/avdelingar dersom begge (alle) verksemndene har stort omfang. Dette kan vere naudsynt sjølv om verksemda ligg på same stad.

Vi er klar over at det kan by på problem å fordela dei ulike variablane på alle bedrifter/avdelingar i skjema. I slike tilfelle må vi be om at det vert gjort overslag på grunnlag av det underlagsmateriale som er tilgjengeleg og godt skjønn.

Bedrifter/avdelingar som er ute av drift eller nedlagde gjev oppgåve for den delen av året bedrifa/avdelinga var i drift. Gje i slike tilfeller melding om driftsperiode, og kvifor bedrifa/avdelinga er ute av drift.

Dersom føretaket bestod av andre bedrifter i 2014 enn dei som er lista opp (nyetablerte bedrifter/avdelingar o.l.), må desse òg takast med. Gi då opp gateadresse og dato for oppstart og gjer greie for næringsaktiviteten i kommentarfeltet på siste side.

Lønnskostnader:

Summen av postane 5000, 5400, 5420 og 5900 i Næringsoppgåva.

Omsetning:

Summen av postane 3000, 3100, 3200, 3500 (kun Næringsoppgåve 2), 3600, 3650 (kun Næringsoppgåve 1), 3695, 3700 og 3900 i Næringsoppgåva.

Driftskostnader:

Summen av alle driftskostnader. Dette tilsvrar posten 9010 i Næringsoppgåve 2 eller posten 9910 i Næringsoppgåve 1.

Anskaffingar ekskl. tom:

Sum av anskaffingar som gjeld saldo Gruppene a, c, d, e, f, g, h, i og j, jf. Avskrivningsskjema for saldo- og lineære avskrivningar 2014.

Sal ekskl. tom:

Sum av sal som gjeld saldo Gruppene a, c, d, e, f, g, h, i og j, jf. Avskrivningsskjema for saldo- og lineære avskrivningar 2014

.